

ხელშეკრულება
სახელმწიფო შესყიდვის შესახებ
N T-

ქ. თბილისი

2024 წელი

ერთი მხრივ, შპს „საქართველოს გაერთიანებული წყალმომარაგების კომპანია“ წარმოდგენილი მისი დირექტორის მოადგილის, ნინო ნაროზაშვილის სახით (შემდგომში „შემსყიდველი“)

საიდენტიფიკაციო კოდი: 412670097

მის: ქ. თბილისი, ანა პოლიტოვსკაიას ქუჩა, N5 და N7

საბანკო რეკვიზიტები: სს „ლიბერთი ბანკი“, ცენტრალური ფილიალი

ბანკის კოდი: 220101480, LBRTGE22

ანგარიშის ნომერი: GE67LB0113123325230095

ელექტრონული ფოსტა: info@water.gov.ge

და მეორე მხრივ, -----, წარმოდგენილი მისი დირექტორის ----- სახით (შემდგომში - მიმწოდებელი),

საიდენტიფიკაციო კოდი:

მისამართი:

საბანკო რეკვიზიტები:

ბანკის კოდი:

ანგარიშის ნომერი:

ელექტრონული ფოსტა:

მობ. ნომერი:

თითოეული ცალ-ცალკე წოდებული, როგორც „მხარე“ და ერთობლივად წოდებულნი, როგორც „მხარეები“,

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული (NAT-----) ელექტრონული ტენდერის საფუძველზე, ვდებთ ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტი და გარანტია

1. ხელშეკრულებით გათვალისწინებულ შესყიდვის ობიექტს წარმოადგენს -
2. CPV კოდია:

მუხლი 2. ხელშეკრულების ღირებულება

1. ხელშეკრულების ღირებულება შეადგენს ----- (თანხა სიტყვიერად) ლარს, საქართველოს კანონმდებლობით გათვალისწინებული გადასახადების ჩათვლით.

მუხლი 3. საქონლის მიწოდების ვადა და ადგილი

1. მიმწოდებელი ვალდებულია-----

2. საქონლის მიწოდება გახორციელდება მიმწოდებლის ხარჯით შემსყიდველის მისამართზე:-----

3. საჭიროების შემთხვევაში ინსპექტირების განხორციელებამდე, შემსყიდველსა და მიმწოდებელს შორის ფორმდება მიწოდებული საქონლის დროებითი შენახვის აქტი.

მუხლი 4. ანგარიშსწორების წესი

1. ხელშეკრულების მე-2 მუხლში განსაზღვრული ხელშეკრულების ღირებულება მოცემულია საქონლის მიწოდებასთან დაკავშირებული მიმწოდებლის ყველა სახის ხარჯისა და საქართველოს კანონმდებლობით გათვალისწინებული გადასახადების ჩათვლით.

2. შემსყიდველი ანგარიშსწორებას ახორციელებს, ფაქტობრივად მიწოდებული საქონლის შესაბამისად, მიმწოდებელი მიერ სასაქონლო ზედნადების, საგადასახადო ანგარიშ-ფაქტურის (თუ მიმწოდებელი რეგისტრირებულია დღგ-ს გადამხდელად) წარმოდგენის, დადებითი ინსპექტირების აქტისა და მიღება-ჩაბარების აქტის გაფორმების შემდეგ.

3. ანგარიშსწორება განხორციელდება მხარეთა შორის მიღება-ჩაბარების აქტის გაფორმებიდან 10 (ათი) სამუშაო დღის ვადაში.

4. ხელშეკრულების ფარგლებში, ანგარიშსწორება ხორციელდება უნაღდო ანგარიშსწორების ფორმით, საქართველოს ეროვნულ ვალუტაში, ხელშეკრულებით გათვალისწინებულ რეკვიზიტებზე.

5. დაფინანსების წყარო: შპს „საქართველოს გაერთიანებული წყალმომარაგების კომპანიის“ -----

მუხლი 5. წინასწარი ანგარიშსწორების პირობები

1. მიმწოდებელი უფლებამოსილია, არაუმეტეს ხელშეკრულების ღირებულების 20%-ისა, შემსყიდველს წარუდგინოს წერილობითი თხოვნა წინასწარი ანგარიშსწორების თანხის (შემდგომში - ავანსი) გადახდის თაობაზე.

2. მიმწოდებელი არ არის უფლებამოსილი, შემსყიდველს წარუდგინოს წერილობითი თხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან/და ყადაღა.

3. მიმწოდებელი ვალდებულია ავანსის მიღების მიზნით, ამ მუხლის მე-2 პუნქტის მოთხოვნების შესაბამისად, შემსყიდველს წარუდგინოს სარეგისტრაციო/უფლებრივი დოკუმენტაცია, რომლითაც დადასტურდება მის მიმართ ამ პუნქტშიგანსაზღვრული ვალდებულებების რეგისტრაციის არარსებობა. აღნიშნული დოკუმენტაცია გაცემულ უნდა იყოს ავანსის მოთხოვნის წერილობითი თარიღით.

4. შემსყიდველის მიერ ამ მუხლის პირველი პუნქტით განსაზღვრული ავანსის გადახდასთან დაკავშირებით დადებითიგადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს საქართველოს კანონმდებლობის შესაბამისად ლიცენზირებული დაწესებულების მიერ (ან უცხო ქვეყნის საბანკო დაწესებულებიდან, რომელიცგადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ) გაცემული, ავანსის იდენტური ოდენობის საბანკო გარანტია, რომელიც გაცემული უნდა იყოს წინამდებარე ხელშეკრულების ამავე მუხლის მე-5 პუნქტის თანახმად და რომლის მოქმედების ვადა არანაკლებ 30 (ოცდაათი) დღით უნდა აღემატებოდეს ხელშეკრულების მოქმედების ვადას.

5. ამ მუხლის პირველი პუნქტში განსაზღვრული ავანსის იდენტური ოდენობის საბანკო გარანტია თავისი შინაარსითუნდა იყოს უპირობო, გამოუთხოვადი და შემსყიდველს უნდა აძლევდეს უფლებას, ავანსის იდენტური ოდენობის საბანკოგარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს შესაბამისი თანხა.

6. იმ შემთხვევაში, თუ მიმწოდებელი რეგისტრირებულია თეთრ სიაში (შესყიდველში მონაწილე კვალიფიციურმიმწოდებელთა რეესტრი), მიმწოდებელი შემსყიდველს წარუდგენს საქართველოს კანონმდებლობის შესაბამისადლიცენზირებული დაწესებულების მიერ (ან უცხო ქვეყნის საბანკო დაწესებულებიდან, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ) გაცემულ ავანსის ნახევარი ოდენობის საბანკო გარანტიას, რომელიც უნდა აკმაყოფილებდეს ამავე მუხლის მე-4 და მე-5 პუნქტის მოთხოვნებს.

7. შემსყიდველის მიერ გადახდილი ავანსის დაკავება მოხდება ეტაპობრივად (ავანსის პროპორციულად), თითოეულიმიღება-ჩაბარების აქტის წარმოდგენის შემდეგ. ამასთან, ბოლო მიღება-ჩაბარების აქტის წარმოდგენის

შემდეგ „მიმწოდებელს“ დაექვეთება ავანსის თანხის დარჩენილი ნაწილი სრულად.

8. შემსყიდველი უფლებამოსილია, გამოითხოვოს ამ მუხლის მე-4 პუნქტით განსაზღვრული საბანკო გარანტია, ხელშეკრულების შეწყვეტის შემთხვევაში, თუ ხელშეკრულების შეწყვეტის მომენტისათვის მიმწოდებელს არ აქვს დაქვითული გადახდილი ავანსი ან მისი ნაწილი.

9. ავანსის გადახდა მოხდება უნაღდო ანგარიშსწორების ფორმით, მიმწოდებლის მიერ ამ მუხლის მე-4 პუნქტით განსაზღვრული საბანკო გარანტიის შემსყიდველისთვის წარდგენის შემდეგ, 10 (ათი) სამუშაო დღის განმავლობაში.

მუხლი 6. საქონლის მიღება-ჩაბარების წესი

1. მიმწოდებლის მიერ საქონლის მიწოდება შემსყიდველის მიერ მიღებულად ჩაითვლება მხოლოდ მხარეთა შორის მიღება-ჩაბარების აქტის გაფორმების შემდეგ. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

2. საქონლის მიღება-ჩაბარებას და მასთან დაკავშირებული დოკუმენტაციის გაფორმებას ახორციელებს შემსყიდველის შესაბამისი სტრუქტურული ერთეული -----

მუხლი 7. საქონლის შესაბამისობა

1. საქონელი უნდა შეესაბამებოდეს მსგავსი საქონლისთვის დადგენილ სტანდარტებს და შემსყიდველის მოთხოვნებს.

2. ამ მუხლის პირველ პუნქტში აღნიშნული მოთხოვნებიდან მიმწოდებლის მიერ ნებისმიერი გადახვევის შემთხვევაში შემსყიდველი უფლებამოსილია, არ მიიღოს საქონელი ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 8. მხარეთა უფლება-მოვალეობანი

1. მიმწოდებელი ვალდებულია:

ა) ხელშეკრულებით ნაკისრი ვალდებულებების შესრულება განახორციელოს ხელშეკრულებით გათვალისწინებული პირობების შესაბამისად;

ბ) უზრუნველყოს ხელშეკრულებით გათვალისწინებული უფლებრივად და ნივთობრივად უნაკლო, მაღალი ხარისხის საქონლის მიწოდება.

გ) საქონლის მიწოდების პროცესში იხელმძღვანელოს ხელშეკრულების მე-7 მუხლის პირველ პუნქტში გათვალისწინებული მოთხოვნებით;

დ) უზრუნველყოს საქონლის მიწოდება ხელშეკრულების მე-3 მუხლის პირველი პუნქტით გათვალისწინებულ ვადებში;

ე) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

ვ) შესყიდვის ობიექტის მიწოდებისას წარმოადგინოს მიწოდებული საქონლის (პოლიეთილენის სასმელი წყლის მილებზე) ლაბორატორიული გამოცდის შედეგები;

ზ) გადასცეს შემსყიდველს ახალი, ექსპლუატაციაში არ მყოფი, უფლებრივად და ნივთობრივად უნაკლო, მაღალი ხარისხის საქონელი;

თ) საქონლის საგარანტიო ვადა შეადგენს საბოლოო მიღება-ჩაბარების აქტის გაფორმებიდან ---- (-----) წელს.

ი) თუ ექსპლუატაციისას, გამოვლინდება დეფექტი ან/და ნაკლი, ან/და ხარვეზი, მიმწოდებელი ვალდებულია, შემსყიდველის შეტყობინების მიღებიდან არაუმეტეს 10 (ათი) კალენდარული დღის ვადაში, უზრუნველყოს დეფექტის ან/და ხარვეზის ან/და ნაკლის ან/და წუნის აღმოფხვრა საკუთარი ხარჯით, ან/და განახორციელოს შემსყიდველთან შეთანხმებულ გონივრულ ვადაში (მაგრამ არაუმეტეს 20 კალენდარული დღისა), საქონლის ჩანაცვლება ახალი, ექსპლუატაციაში არ მყოფი, ანალოგიური პარამეტრების მქონე საქონლით, შემსყიდველის მხრიდან რაიმე დამატებითი დანახარჯის გაწევის გარეშე, გარდა იმ შემთხვევისა, თუ ასეთი ხარვეზი გამოწვეულია მექანიკური დაზიანებითი);

კ) 5 (ხუთი) სამუშაო დღის ვადაში, უზრუნველყოს ინსპექტირების შედეგად გამოვლენილი ხარვეზიანი საქონლის შემსყიდველის საწყობიდან გატანა.

ლ) საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა

დეფექტის ან/და ნაკლის, ან/და ხარვეზის აღმოფხვრა არაუმეტეს 10 (ათი) კალენდარული დღის ვადაში. ხოლო წუნდებული საქონლის ახალი, ექსპლუატაციაში არმყოფი, ანალოგიური პარამეტრების მქონე საქონლით შეცვლა გონივრულ ვადაში, მაგრამ არაუგვიანეს 20 (ოცი) კალენდარული დღისა.

2. შემსყიდველი ვალდებულია:

ა) საჭიროების შემთხვევაში საქონლის მიწოდების დროს, მიმწოდებელთან გააფორმოს დროებითი შენახვის აქტი.

ბ) შესყიდვის ობიექტის მიწოდებიდან 5 (ხუთი) სამუშაო დღის ვადაში უზრუნველყოს საქონლის წინამდებარე ხელშეკრულების პირობებთან შესაბამისობის ინსპექტირება;

გ) შეუფერხებლად აუნაზღაუროს მიმწოდებელს მიწოდებული საქონლის ღირებულება ხელშეკრულებით გათვალისწინებული ვადების და პირობების შესაბამისად.

3. შემსყიდველი უფლებამოსილია მიმწოდებელს მოთხოვოს წინამდებარე ხელშეკრულების ჯეროვანი, დროული და კეთილსინდისიერი შესრულება.

მუხლი 9. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვნად შესრულება გამოწვეულია დაუძლეველი ძალის (სტიქიური უბედურება, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორის არსებობის დამადასტურებელი დოკუმენტი და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 10. ხელშეკრულების პირობების შეუსრულებლობა, არასრული ან/და არაჯეროვანი შესრულება

1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, "მიმწოდებელს" დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

2. ხელშეკრულებით ნაკისრი ვალდებულებების შეუსრულებლობის, არასრული ან/და არაჯეროვანი შესრულების შემთხვევაში, "მიმწოდებელი" ჯარიმდება ხელშეკრულების ჯამური ღირებულების 5 (ხუთი) პროცენტის ოდენობით.

3. იმ შემთხვევაში, თუ მიმწოდებლის მიერ ნაკისრი ვალდებულებების შესრულების ვადა ირდევს 20 (ოცი) ან მეტი კალენდარული დღის განმავლობაში, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების ამ მუხლის მე-2 პუნქტით დაკისრებული პირგასამტეხლოს ანაზღაურება.

4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

5. ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს შესაბამისი თანხა შემსყიდველის სასარგებლოდ, ხოლო იმ შემთხვევაში თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს საჯარიმო თანხებსა და საქონლის ღირებულებას შორის არსებული სხვაობა შემსყიდველის სასარგებლოდ.

მუხლი 11. კონტროლი (ინსპექტირება)

1. შემსყიდველი უფლებამოსილია განახორციელოს ხელშეკრულებით განსაზღვრული ვალდებულებების შესრულების კონტროლი (ინსპექტირება), რომლის მიზანია მიწოდებული საქონლის ხარისხის, მიწოდების ვადების და სხვა კრიტერიუმების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

2. ხელშეკრულებით განსაზღვრული ვალდებულებების შესრულების კონტროლი (ინსპექტირება) შემსყიდველის მიერ განხორციელდება ხელშეკრულების მოქმედების პერიოდში, ნებისმიერ დროს, შემსყიდველის მოთხოვნათა შესაბამისად.

3. ხელშეკრულებით გათვალისწინებული ვალდებულებ(ებ)ის შესრულების ინსპექტირებას ახდენს შემსყიდველის შესაბამისი სტრუქტურული ერთეული -----

მუხლი 12. ხელშეკრულების შესრულების უზრუნველყოფის საბანკო გარანტია

1. ხელშეკრულების შესრულების უზრუნველყოფის მიზნით გამოიყენება ----- მიერ ----- წლის ----- გაცემული უპირობო, გამოუთხოვადი საბანკო გარანტია № -----, თანხით ----- (თანხა სიტყვიერად) ლარი, მოქმედი 202-- წლის -- ----- ჩათვლით.

2. საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას მიმწოდებლის წერილობითი მოთხოვნის შემთხვევაში შემსყიდველი ვალდებულია უზრუნველყოს გარანტიის დაბრუნება.

მუხლი 13. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.

3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის წერილობითი შეთანხმების გაფორმების გზით.

4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.

5. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება, თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;

ბ) მიმწოდებლის მიმართ მიმდინარეობს გაკოტრების ან გადახდისუნარიობის საქმისწარმოება (მიუხედავად მისი დაწყების დროისა);

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) მიმწოდებლის მიერ ნაკისრი ვალდებულებების შესრულების ვადა ირღვევა 20 (ოცი) ან მეტი კალენდარული დღის განმავლობაში;

ვ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

ზ) საქართველოს კანონმდებლობით გათვალისწინებულ სხვა შემთხვევებში.

14. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე. ამ პუნქტის შესაბამისად გაფორმებული წერილობითი შეთანხმება

მხარეთა ხელმოწერისთანავე წარმოადგენს ხელშეკრულების განუყოფელ ნაწილს.

2. იმ შემთხვევაში, თუ ხელშეკრულებით განსაზღვრული მომსახურების გაწევის დროს ხელშეკრულების ღირებულებისა და ანგარიშსწორებიდან გამომდინარე ან რაიმე წინასწარ გათვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის, ფასების გადასინჯვის აუცილებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში. ცვლილებ(ებ)ის ან/და დამატებ(ებ)ის შეტანის ინიციატორი მხარე ვალდებულია, წერილობით შეატყობინოს მეორე მხარეს შესაბამისი დასაბუთებული ინფორმაცია.

3. ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

5. ხელშეკრულება რეგულირდება საქართველოს კანონმდებლობის შესაბამისად.

6. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.

7. ხელშეკრულება შედგენილია ქართულ ენაზე, დამოწმებულია მატერიალურად ან/და ელექტრონულად ან/და დასმულია კვალიფიციური ელექტრონული შტამპი.

8. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

9. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

10. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

11. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12. ფასების ცხრილი (დანართი N1), ტექნიკური დავალება და ხელშეკრულების შესრულების უზრუნველყოფის საბანკო გარანტია თან ერთვის ხელშეკრულებას და წარმოადგენს მის განუყოფელ ნაწილს.

მუხლი 15. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 202---- წლის ----- ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

16. მხარეთა ხელმოწერები:

შემსყიდველი:

მიმწოდებელი:

შპს „საქართველოს გაერთიანებული
წყალმომარაგების კომპანია“

ნინო ნაროზაშვილი
დირექტორის მოადგილე

